



LAPORAN HARIAN BENCANA

AGENSI PENGURUSAN BENCANA NEGARA, JABATAN PERDANA MENTERI (NADMA, JPM)

<https://portalbencana.nadma.gov.my> | Hotline NDCC : 03-8064 2400

7 DISEMBER 2023

BANJIR MONSUN TIMUR LAUT (MTL) 2023/2024 : SEKILAS DATA



1
NEGERI



1
DAERAH



745
KELUARGA



2,308
MANGSA



9
PPS AKTIF




1
KEMATIAN

PASIR MAS

PPS Aktif : 9

Keluarga : 745

Mangsa : 2,308





LAPORAN HARIAN BENCANA

AGENCI PENGURUSAN BENCANA NEGARA, JABATAN PERDANA MENTERI (NADMA, JPM)

<https://portalbencana.nadma.gov.my> | Hotline NDCC : 03-8064 2400

7 DISEMBER 2023



SITUASI TERKINI

- Sehingga **7 Disember 2023, jam 12.00 tengah hari**, hanya daerah **Pasir Mas di negeri Kelantan** sahaja yang masih mengalami banjir dengan **pengurangan sebanyak 29% mangsa** direkodkan **dalam tempoh 24 jam** kepada **2,308 orang mangsa** melibatkan **745 keluarga** yang ditempatkan di **9 buah Pusat Pemindahan Sementara (PPS)**.
- Profil daerah Pasir Mas berdasarkan Dashboard Bencana yang disediakan oleh pihak NADMA adalah seperti di **Lampiran 1**.
- Terdapat **satu (1) kematian** akibat banjir melibatkan seorang kanak-kanak lelaki berlaku di Kota Bharu, Kelantan pada **26 November 2023** direkodkan setakat ini.

- Berdasarkan rekod kawasan *hotspot* dan cerun kritikal Jabatan Mineral dan Geosains (JMG), **tiada kawasan yang berisiko** mengalami tanah runtuh di kawasan yang dilanda banjir di Pasir Mas, Kelantan.



IMPAK

- Bagi tempoh **11 November hingga 7 Disember 2023**, secara kumulatif seramai **4,126 keluarga** dan **14,409 mangsa** telah ditempatkan di PPS.
- Berdasarkan laporan oleh Kementerian Pendidikan Malaysia (KPM), sehingga **6 Disember 2023, 16 sekolah rendah** dan **satu (1) sekolah menengah** di seluruh Malaysia terlibat dengan banjir.
- **Tujuh (7) institusi pendidikan** masih dijadikan Pusat Pemindahan Sementara (PPS) melibatkan **lima (5) sekolah rendah** dan **dua (2) sekolah menengah** di **Pasir Mas, Kelantan**.
- Berdasarkan laporan oleh Kementerian Pertanian dan Keterjaminan Makanan, sehingga **6 Disember 2023**, secara kumulatif anggaran keseluruhan keluasan kawasan pertanian yang terjejas akibat banjir MTL adalah **1,490.23 hektar** dengan anggaran nilai kerosakan sebanyak **RM4,559,026.00** dan melibatkan **765 orang petani**.
- Berdasarkan laporan oleh Jabatan Kerja Raya (JKR) pada **4 Disember 2023, empat (4) jalan raya masih ditutup** di kawasan yang dilanda banjir:
 - Jln. Panglima Bayu - Rantau Panjang - Jeram Perdah (FT196)
 - Jln. Pengkalan Rakit - Batu Karang (D185)
 - Jln. SK Gual Tok Deh (D333)
 - Jln. Tok Deh - Gual Perok (FT197)
- Berdasarkan laporan oleh JKR pada **4 Disember 2023, empat (4) jalan raya alternatif** yang boleh dilalui di kawasan yang dilanda banjir:
 - Jalan Kota Bharu - Rantau Panjang (FT196)
 - Jalan Pasir Mas - Rantau Panjang (D185)
 - Jalan Rantau Panjang Lama (D333)
 - Jalan Kota Bharu - Rantau Panjang (FT197)
- Merujuk kepada laporan Polis Diraja Malaysia (PDRM) pada **6 Disember 2023** terdapat **sembilan (9) pos kawalan** Pasukan Gerakan Am (PGA) terjejas akibat banjir di negeri Kelantan, iaitu Terusan, Pak Teh Kana, Salleh Berek, Pulau, Kubang Pak Hitam, Pok Atah, Mek Gombak, Kalo dan Wakaf Zin.



MAKLUMAT CUACA DAN ARAS AIR SUNGAI SEMASA

- Pihak MET Malaysia pada **4 Disember 2023 jam 1.00 petang** telah mengeluarkan amaran hujan berterusan **peringkat waspada** yang melibatkan beberapa daerah di negeri **Kelantan, Terengganu** dan **Pahang** sehingga **8 Disember 2023**.
- **Tiga (3) stesen meteorologi utama** yang mencatatkan **jumlah hujan harian tertinggi** pada **6 Disember 2023** adalah **Sri Aman, Sarawak (84.8 mm), Batu Pahat, Johor (76.4 mm) dan Kluang, Johor (45.2 mm)**. Jumlah hujan harian tertinggi untuk tempoh 7 hari lepas adalah seperti di **Lampiran 2**.
- Situasi banjir bertambah baik di negeri-negeri Semenanjung Malaysia. Walau bagaimanapun berdasarkan analisis model-model cuaca, penumpuan angin dijangka berlaku **di pantai timur Semenanjung Malaysia sehingga 10 Disember 2023**. Keadaan ini boleh menyebabkan peningkatan kelembapan yang berpotensi membawa hujan berterusan di kawasan terbabit.
- Berdasarkan hasil **simulasi model Water Level Trend Forecast, Jabatan Pengairan dan Saliran (JPS)** terdapat **satu (1) amaran banjir** yang dikeluarkan oleh JPS di negeri Kedah pada **6 Disember 2023 pukul 1:00 tengah hari sehingga 7.00 malam** yang melibatkan kawasan-kawasan rendah dalam lingkungan 5km di sekitar Sg. Bata dan Sg. Padang Terap di **daerah Kubang Pasu**.
- **Dua (2) sungai di negeri Kedah** mencatatkan kenaikan aras air melebihi aras bahaya, iaitu **Sg. Bata di Kg. Bata di Kubang Pasu** dan **Sg. Anak Bukit di Taman Aman di Kota Setar** dengan **trend menaik**. Manakala **dua (2) sungai, iaitu Sungai Kuala Tutong di Miri, Sarawak** dan **Sg. Chuchoh di Kg. Chantik(F2) di Padang Besar, Perlis** yang sebelum ini mencatatkan kenaikan aras air **melebihi aras bahaya** telah menunjukkan **trend menurun**.



LAPORAN HARIAN BENCANA

AGANSI PENGURUSAN BENCANA NEGARA, JABATAN PERDANA MENTERI (NADMA, JPM)

<https://portalbencana.nadma.gov.my> | Hotline NDCC : 03-8064 2400

7 DISEMBER 2023



PERSIAPAN AGENSI KERAJAAN

- NADMA selaku urus setia kepada Jawatankuasa Pengurusan Bencana Pusat (JPBP) akan sentiasa memastikan semua agensi meningkatkan kesiapsiagaan menghadapi bencana di semua peringkat.
- Jawatankuasa Pengurusan Bencana Daerah (JPBD) dan Jawatankuasa Pengurusan Bencana Negeri (JPBN) telah diaktifkan di negeri-negeri yang dilanda banjir bagi memastikan PPS dilengkapi dengan kemudahan asas yang mencukupi dan menyelaras semua aktiviti tindak balas melibatkan pelbagai agensi.
- Bagi memastikan keselesaan dan kebajikan mangsa banjir, Jabatan Kebajikan Masyarakat (JKM) telah bersedia untuk mengaktifkan **8,481 Pusat Pemindahan Sementara (PPS)** di seluruh negara yang mempunyai kapasiti untuk menempatkan **1,620,855** mangsa di seluruh negara.
- Bekalan makanan di setiap PPS adalah mencukupi dan fasiliti penyimpanan barang keperluan bencana yang disediakan oleh JKJ adalah seperti di **Lampiran 3**.
- Lokasi penyimpanan makanan di kawasan yang dilanda banjir adalah di Depoh Simpanan Keperluan Bencana, Stor Bencana dan Pangkalan Hadapan.
- Antara jenis bantuan makanan yang diberikan kepada mangsa banjir di PPS adalah makanan berbungkus (*packed food*) dan bantuan gotong royong dengan kebenaran JPBD dan Pusat Kawalan Operasi Bencana (PKOB).
- Selain itu, bantuan lain yang diberikan adalah barang keperluan asas seperti kain batik, kain pelikat, kit kebersihan dan kit minuman.
- JKJ juga memperkenalkan makanan retort sebagai makanan pemula kepada mangsa yang berpindah ke PPS.
- Tindakan awal yang telah diambil oleh JPS ialah menyediakan pam air dan setakat **6 Disember 2023** masih **tiada penggunaan pam air** di lokasi PPS yang terlibat banjir.
- Tindakan telah diambil di Sg. Golok di Kuala Jambu (F1), Tumpat, Kelantan dengan membina *temporary balancing culvert*.
- **Tiada kawasan yang diputuskan bekalan elektrik** akibat banjir dan setakat ini bekalan elektrik di semua kawasan termasuk di PPS adalah terkawal.
- Kerajaan telah menyediakan peruntukan awal kepada semua negeri dan Agensi Tindak Balas bagi tujuan pengoperasian dan bantuan kewangan kepada mangsa bencana semasa MTL 2023/2024.

- Perincian jumlah kekuatan anggota dan aset agensi tindak balas yang ditempatkan di negeri Kelantan adalah seperti di **Lampiran 4**.
- Pusat Kawalan Bencana Negara (NDCC) yang beroperasi 24 jam setiap hari akan sentiasa memantau situasi cuaca. Amaran bencana akan disalurkan kepada Agensi Tindak Balas dan Pegawai Daerah dari semasa ke semasa.



MAKLUMAT PERGERAKAN NGO

- Sehingga **6 Disember 2023**, terdapat **enam (6)** NGO yang berdaftar di bawah Rakan NADMA telah menyalurkan bantuan seperti kit kebersihan, tuala wanita, tilam, lampin dewasa, kain batik, makanan ringan, pakaian dalam, *Ready to Eat Food*, makanan bermasak dan *survival kits*.
- NGO juga turut memberikan latihan asas kepada murid pra sekolah di Sekolah Kebangsaan Pangkal Jenereh, Machang, Kelantan berkenaan pengenalan pengangkutan darat, pendidikan keselamatan dan teknik menaiki bot.
- Selain itu, 11 orang sukarelawan dari NGO yang terlibat misi bantuan banjir juga telah memberikan bantuan khidmat kaunseling di Sekolah Kebangsaan Tok' Deh, Rantau Panjang dan Sekolah Menengah Kebangsaan Baroh Pial, Rantau Panjang.
- Terdapat juga NGO yang bergerak ke kawasan penempatan yang dilanda banjir seperti di Taman Desa Wirajaya, Rantau Panjang untuk memberikan sumbangan barangan keperluan asas.



NASIHAT DAN INFO SELANJUTNYA

- Tip Keselamatan Banjir :
 - ✓ Bersedia dengan beg kecemasan;
 - ✓ Segera berpindah ke pusat pemindahan yang disediakan apabila diarahkan;
 - ✓ Pergi ke tempat tinggi dan selamat;
 - ✓ Jangan biarkan kanak-kanak bermain air di kawasan banjir, longkang, lombong, badan air dan sungai; dan
 - ✓ Jangan sentuh peralatan elektrik, kabel atau wayar.
- Untuk maklumat lanjut, sila layari:
<https://portalbencana.nadma.gov.my> dan
<https://www.nadma.gov.my>



LAPORAN HARIAN BENCANA

AGENSI PENGURUSAN BENCANA NEGARA, JABATAN PERDANA MENTERI (NADMA, JPM)

<https://portalbencana.nadma.gov.my> | Hotline NDCC : 03-8064 2400

7 DISEMBER 2023

Lampiran 1

PROFIL KAWASAN YANG TERUK TERJEJAS BANJIR BERDASARKAN DASHBOARD BENCANA

BIL.	DAERAH	JUMLAH PENDUDUK	JUMLAH TEMPAT KEDIAMAN	JUMLAH ISI RUMAH	SEKOLAH	FASILITI KESIHATAN	JUMLAH HOTSPOT BANJIR
1.	Pasir Mas	276,843	65,427	54,226	83	33	217



LAPORAN HARIAN BENCANA


AGENSI PENGURUSAN BENCANA NEGARA, JABATAN PERDANA MENTERI (NADMA, JPM)

<https://portalbencana.nadma.gov.my> | Hotline NDCC : 03-8064 2400

7 DISEMBER 2023

Lampiran 2

JUMLAH HUJAN HARIAN TERTINGGI (mm)





Lampiran 3

FASILITI PENYIMPANAN BARANG KEPERLUAN BENCANA JKM

BIL.	NEGERI	DSKB	STOR NEGERI	STOR DAERAH	MINI DEPOH / KONTENA	PANGKALAN HADAPAN
1.	Perlis	-	1	-	-	1
2.	Kedah	1	-	6	7	-
3.	Pulau Pinang	-	-	5	2	2
4.	Perak	-	1	13	9	-
5.	Selangor	1	-	12	2	37
6.	W.P. Kuala Lumpur	-	1	1	1	-
7.	Negeri Sembilan	-	2	7	-	-
8.	Melaka	-	1	3	4	-
9.	Johor	1	1	10	3	23
10.	Pahang	1	1	11	14	156
11.	Terengganu	1	-	9	13	150
12.	Kelantan	1	-	17	5	160
13.	Sarawak	1	-	12	3	27
14.	Sabah	1	1	21	5	5
15.	W.P. Labuan	-	-	1	-	-
JUMLAH		8	9	128	68	561

DSKB - Depot Simpanan Keperluan Bencana



Lampiran 4

JUMLAH KEKUATAN ANGGOTA DAN ASET AGENSI TINDAK BALAS DI NEGERI KELANTAN

BIL.	NEGERI	AGENSI	ANGGOTA	ASET
1.	KELANTAN	ANGKATAN PERTAHANAN AWAM MALAYSIA (APM)	40	4x4: 1, BOT: 4, AMBULANS: 1, LORI: 1, MOTOSIKAL: 2
		ANGKATAN TENTERA MALAYSIA (ATM)	42	LORI 3 TAN: 2, LORI 1 TAN: 1
		JABATAN BOMBA DAN PENYELAMAT MALAYSIA (JBPM)	36	4x4: 9, FRT/LFRT: 2, EMRS: 1
		POLIS DIRAJA MALAYSIA (PDRM)	59	4x4: 4, BOT: 2, LORI: 1
		JABATAN SUKARELAWAN MALAYSIA (RELA)	22	-